

odgovornost kada je u pitanju prihvatanje osoba koje su primorane da pobjegnu od progona i ugnjetavanja. U tom dijelu Švedska je predstavljala primjer. Bitno je da sve zemlje EU preuzmu svoj dio odgovornosti.

- Garantiranje prava i kratko vrijeme rješavanja slučajeva moraju karakterizirati migracijsku i azilantsku politiku.
- Perspektiva djeteta mora da prožima migracijsku i azilantsku politiku.
- Osobe bez dokumenata koje se nalaze unutar EU imaju pravo na human i pravični tretman.
- Olakšati ulazak radne snage u EU zonu.

### Zauzimanje jasnog stava u svjetskoj politici

Nakon rata na Balkanu, rekli smo nikad više. Ali konflikti su nastavili da cvjetaju, a da EU i ostatak svijeta nisu mogli da ih spriječe, sa strahovitom patnjom i velikim brojem izgubljenih ljudskih života kao posljedicama. EU i druge zemlje stoje iza principa UN-a „obaveza pružanja zaštite”. EU mora da ispuni tu odgovornost. Zaštita ljudskih prava je jedna od osnovnih vrijednosti evropske saradnje. EU mora principijelno i efikasno zaštititi mir i slobodu, sigurnost i pravdu – u cijelom svijetu.

- Ukinuti podršku izvozu i reformirati poljoprivrednu politiku. Tako se efikasno suzbija siromaštvo u zemljama u razvoju.
- Smanjiti ovisnost o uvozu energije iz zemalja sa nedovoljnom demokratijom. Da bi se to postiglo potrebna je zajednička evropska energetska strategija prema ostatku svijeta.
- U saradnji EU sa ostatkom svijeta dati prednost razvoju demokratije, otvorenosti i višestranačkom sistemu sa slobodnim izborima i funkcionalnom opozicijom. Funkcionalna demokratija je preduslov za razvoj zemlje.
- Poboljšati kapacitete EU da djeluje civilno i vojno u konfliktnim situacijama.

### Zdrava Evropa

Kod pitanja zdravlja naroda danas se sve manje radi o samostalnom zauzimanju stava jedne zemlje. Neophodne su, stoga, koordinirane

mjere na nivou EU. Jedan njihov dio se bavi smanjenjem posljedica upotrebe alkohola. Radi se čak i o stvaranju osjećaja sigurnosti kod potrošača kad je u pitanju hrana. Sigurna Evropa podrazumijeva i mogućnost dobijanja zdravstvene pomoći u drugoj zemlji unutar EU.

- Uvesti jasan sistem obilježavanja prehrambenih namirnica, na primjer bolje obilježavanje porijekla ribe i posebno obilježavanje genetski modificiranih proizvoda.
- Smanjiti količinu alkohola koja se može slobodno prenositi preko državnih granica i povećati poreski minimum za alkohol.
- Sprječavati liberalizaciju droga.
- Uvesti slobodni evropski izbor zdravstvene zaštite kako bi pacijentima imali veću mogućnost dobijanja zaštite.
- Smanjiti upotrebu antibiotika u Evropi.

### Evropa bliska nama

U sigurnoj Evropi odluke se donose u našoj blizini. EU ne postoji sebe radi. Ona predstavlja saradnju između zemalja kako bi se riješili zajednički izazovi – i na taj način osigurala bezbjednost za državljane. Ono što je najbolje za svakog pojedinca i svaku porodicu, treba da predstavlja ishodišnu tačku za odlučivanje unutar EU. Demokratska ideologiji sadrži princip subsidijarnosti, da se odluka donosi što je to bliže moguće građaninu.

- Zaustaviti premještanja između Brisela i Strazbura – evropski parlament mora imati samo jedno sjedište.
- EU mora na sebe preuzimati samo pitanja koja su prevelika da bi ih pojedinačne zemlje riješile. Odluke se moraju donositi na svrsishodnom nivou.
- Švedska bi trebalo da uvede euro. Takvoj odluci mora da prethodi referendum.

### KRISTDEMOKRATERNA

Box 2373, 103 18 Stockholm

Telefon 08-723 25 00 Telefaks 08-723 25 10

info@kristdemokraterna.se

[www.kristdemokraterna.se](http://www.kristdemokraterna.se)



# Sigurna Evropa – naš put ka njoj.

Predizborni manifest – izbori za Evropski parlament 2009



Ella Bohlin, prvi kandidat

Göran Hägglund, vođa stranke



Kristdemokraterna

## Naša vizija sigurne Evope

Mi se zalažemo za sigurnu i ujedinjenu Evropu. Tamo gdje države članice EU zajednički preuzimaju odgovornost za svoje stanovnike. Za mir. Za životnu okolinu. Ekonomiju. Blagostanje. Pravnu sigurnost. Bezbjednost.

Mi pozdravljamo pozitivne napore da države ostavljaju svoje nacionalne interese postrani u svrhu rješavanja zajedničkih problema. Problema koji su preveliki da ih pojedinačne zemlje efikasno rješavaju. Saradnja koja se usredsređuje na to kako da svi ljudi dobiju bolji život. Kako da naša djeca idu u susret svjetloj budućnosti.

Sigurna Evropa zajednički radi da bi zaustavila uništavanje životne okoline i klimatske promjene. Kako bismo postavili osnovu za nastavak ekonomskog napretka. Kako bi bili osigurani temelji za društvo blagostanja kojem stremimo. Kako bismo zaustavili međunarodni kriminal i trgovinu ljudima.

Mi želimo da vidimo EU koja preuzima odgovornost i znači nešto u svakodnevnom životu ljudi. Naše postojanje i odlučnost vode ka boljem životu za sve. EU koja predstavlja moćan glas u sve globaliziranijem svetu. Mi želimo da upotrijebimo EU kako bismo povećali trgovinu i razmjenu. Kako bismo pobijedili siromaštvo, proganjanje i ugnjetavanje, kako na domaćem planu, tako i u svijetu. EU koja je otvorena za još država članica koje zastupaju vrijednosti koje predstavljaju osnovu za saradnju.

U sigurnoj i zdravoj Evropi, pojedinci moraju imati pravo da traže zdravstvenu njegu na cijeloj teritoriji EU. Moramo zajednički preuzeti odgovornost za osiguravanje hrane visoke kvalitete.

Sigurnost u malom predstavlja sigurnost u velikom. Sigurnost u Evropi predstavlja sigurnost u svakodnevici.

Göran Hägglund

Vođa stranke, Demokršćanska stranka

### Klimatske prijetnje

Zemljnim resursima mora se upravljati, a ne iscrpljivati ih. Sprječiti klimatske prijetnje – i spriječiti globalne klimatske promjene – prestavlja jedan od velikih izazova našeg vremena. EU predstavlja jednu od najbogatijih regija svijeta i mora preuzeti globalno vodstvo. Jedino kroz međunarodnu saradnju možemo se uspješno uhvatiti u koštac sa problemom. Stoga EU mora odvojiti veća sredstva iz budžeta za poduzimanje klimatskih mjera, kako unutar EU, tako i globalno.

- Uvesti novu stavku u budžetu – klimatsku sigurnost – radi poduzimanja posebnih mjera u zemljama u razvoju. Efekti klimatskih promjena teško pogađaju zemlje u razvoju. Oni otežavaju mogućnosti za borbu protiv siromaštva.
- Smanjiti ispuštanje karbon-dioksida u EU za najmanje 30 posto do 2020. godine. Pooštriti pravila za maksimalno ispuštanje kod novih automobila.
- Fokusirati se na iznalaženje ekološki efikasnih rješenja u oblasti energije i transporta, a kroz istraživački program EU.

- Napraviti posebne koridore za prijevoz robe željeznicom. Danas se željeznički transport odvija previše sporo i ne može predstavljati konkurenciju transportu kamionima šleperima. Željeznički koridori predstavljaju jedan od načina da EU poveća zalaganje za održive metode transporta.

### Spasiti Baltičko more

Baltik je osjetljivo more sa ozbiljnim problemima. Probleme smo stvorili mi – mi koji činimo 84 miliona ljudi oko mora. Baltičko more pati od nedostatka kisika uslijed odlaganja azota i fosfora. 80.000 kvadratnih kilometara morskog dna je mrtvo. Nezakonita ispuštanja nafte i previše intenzivno ribarenje takođe predstavljaju prijetnju zdravlju Baltičkog mora. Baltik se mora spasiti – naša djeca i unuci moraju naslijediti živo more.

- Povećati mogućnost lociranja odgovornosti za ispuštanje nafte, na primjer putem DNK-markiranja. Povećati kazne za ispuštanje nafte.
- Sprječiti pretjerani ribolov zamjenom sistema kvota sa individualnim pravom ribarenja.
- Zabraniti fosfate u sredstvima za pranje i deterđentima kako bi se zaustavilo odlaganje fosfora u more.

### Održivi razvoj

Globalna ekonomska kriza ima veliki utjecaj na švedsku ekonomiju. Jasno vidimo ovisnost o svijetu. Kako bi se pomogao dobar ekonomski razvoj, potrebne su efikasne i koordinirane mjere unutar EU. Jedan od preduslova za održivi ekonomski razvoj sa poduzetništvom i porastom zaposlenosti jesu finansijska tržišta koja dobro funkcioniraju. Otvorenost, slobodna trgovina i pokretljivost preko granica. EU mora da preuzme aktivniju ulogu kako bi riješila ekonomsku krizu. Uloga mora da se zasniva na jasnoj etičkoj vrijednosnoj osnovi sa ekološkim i socijalnim pogledom na cjelinu.

- Osnovati evropsku finansijsku inspekciju za zajednički nadzorni rad nad finansijskim tržištima.
- Osnovati evropsku vrijednosnu komisiju u kojoj privreda, politika i organizacije diskutiraju o mjerama koje poboljšavaju

etičke osnove za djelatnosti unutar različitih sektora društva, posebno unutar finansijskog sektora.

- Stvoriti savjet za sprječavanje prevara u svakoj državi članici. Pojačati rad kako bi se spriječile prevare sa EU sredstvima.
- Povećati zalaganja kako bi se suzbili ekonomski kriminal i financiranje terorizma.
- Efikasnije koristiti budžetska sredstva EU. Smanjiti poljoprivredne subvencije i povećati ulaganje u istraživanje, ekološke mjere i borbu protiv siromaštva.
- Sačuvati švedski model kolektivnog ugovora, koji propisuje da se svi odnosi između zaposlenika i poslodavaca prvenstveno rješavaju putem kolektivnog ugovora između stranki na tržištu rada.

### Zaustaviti trgovinu ljudima

Trgovina ljudima predstavlja jedan od najtežih oblika kršenja ljudskog dostojanstva i današnju trgovinu robljem. Ona predstavlja najunosniji dio organizovanog kriminala, nakon trgovine narkoticima i oružjem. Rasprostranjeno prihvatanje kupovine seksa doprinjelo je njenom razvoju. Kako bi se zaustavila trgovina ljudima u seksualne svrhe, potrebno je obuzdati tržište prostitucije. Postoji sprega između tržišta prostitucije i trgovine ljudima. Prekogranična saradnja sprječava prekogranični kriminal. Stoga policija, javno tužilaštvo i druge organi za suzbijanje kriminala moraju da stvore efikasniju i sveobuhvatniju saradnju.

- Uvesti povećane i ekvivalentno povećati minimalne kazne za krivična djela trgovine ljudima.
- U zemljama EU stvoriti programe zaštite svjedoka za žrtve trgovine ljudima.
- Donijeti švedski zakon o kupovini seksa koji utvrđuje da je kupovina seksa krivično djelo.

### Humana migracijska politika

Svi ljudi jednako vrijede, to predstavlja osnovu naše politike. Taj princip mora predstavljati osnovu i za migracijsku i azilantsku politiku u EU. Ona mora nositi pečat otvorenosti, velikodušnosti i humanosti. EU je jedna od najbogatijih regija svijeta i nosi veliku